

Մեղք որ երկիր եմ թագուցեր .
Բեռն եւ շալակ ծանրանալու ,
Ո(ր)պ(էս) կապար էծանրագոյն .
Զինչ ժողովեն զինքն ի հողու :

Անուն բարի կոչեն յերկրի .
Թէ չէ նախնոյն ա(ստուա)ծախու ,
Բարի անուն կոչելն է չար .
Ով բարձրանա առջեւ մարդու :

Վկայ բերեմ դաւետարանն .
Որ քարոզէ յամէն ժամու ,
Որ բարձրէ առ(ա)ջի մ(ա)րդկ(ա)ն .
Պիղծ է առաջին աստուծու :

Հանց եղէ ես սուտ կեղծաւոր .
Որ եմ նման փարիսեցու ,
Գործով խաւար եմ զայրացեալ .
Բանիւ թըւիմ մ(ա)րդկ(ա)ն հաճու :

Արաբացի դա(յ)լու նման ,
Սպիտակ բրդով նման մաքու ,
Ներքոյ եմ դայլ յափշտակող .
Ճանկ եւ ըղունկ ք(ա)ն զարծըու :

Երբ Գաբրիէլ փողն դռչէ .
Յառնեն մեռեալք յայսրմ հողոյ .
Ժ(ո)ղ(ո)վէ զամէն տարերք .
Ի ցամաքէ եւ ի ծովու :

Հանին յանցեղ մեծ հրապարակ .
Որ կարկամի ամէն լեզու ,
Վախեն յահեղ դ(ա)տ(ա)ստ(ա)նէն .
Զի շատ համար ունին տալու :

Ինձ ամ(ենայն) զիրք վկայեն .
Կրկին ածեն զիս յամօթու ,
Զիրկու թափուր մնամ դատարկ .
Երբ ամէն ոք զիւր պարտքն առնու :